

新唐书

西域列傳第一百四十六上

唐書二百二十一上

泥婆羅直吐蕃之西樂陵川土多赤銅犛牛俗翦髮逮肩穿耳植以筩若角緩至肩者爲姣好無匕筋攪而食其器皆用銅其居版屋畫壁俗不知牛耕故少田作習商賈一幅布蔽身日數盥浴重博戲通推步曆術祀天神鐫石爲象日浴之烹羊以祭鑄銅爲錢面文人形背牛馬形其君服珠頗黎車渠珊瑚虎魄垂纓耳金鉤玉鐺佩寶伏突御師子大牀燎香布花于堂而大臣坐地不藉左左持兵數百列侍宮中有七重樓覆銅瓦楹極皆大琲襍寶四隅置銅槽下有金龍口激水仰注槽中初王那陵提婆之父爲其叔所殺提婆出奔吐蕃納之遂臣吐蕃貞觀中遣使者李義表到天竺道其國提婆大喜延使者同觀阿耆婆沘池池廣數十丈水常溢沸其傳旱潦未始秬溢或抵以物則生煙釜其上少選可熟二

十一年遣使入獻波稜酢菜渾提蔥永徽時其王尸利那連陀羅  
又遣使入貢

党項漢西羌別種魏晉後微甚周滅宕昌鄧至而党項始彊其地  
古析支也東距松州西葉護南春桑迷桑等羌北吐谷渾處山谷  
崎嶇大抵三千里以姓別爲部一姓又分爲小部落大者萬騎小  
數千不能相統故有細封氏費聽氏往利氏頗超氏野辭氏房當  
氏米禽氏拓拔氏而拓拔最彊土著有棟宇織犛尾羊毛覆屋歲  
一易俗尙武無法令賦役人壽多過百歲然好爲盜更相剽斂尤  
重復仇未得所欲者蓬首垢顏跣足艸食殺已乃復男女衣裘褐  
被羶畜犛牛馬驢羊以食不耕稼地寒五月艸生八月霜降無文  
字候艸木記歲三年一相聚殺牛羊祭天取麥他國以釀酒妻其  
庶母伯叔母兄嫂子弟婦惟不娶同姓老而死子孫不哭少死則

曰天枉乃悲貞觀三年南會州都督鄭元璫鑄諭其酋細封步賴  
舉部降太宗璽詔尉撫步賴因入朝宴錫特異以其地爲軌州卽  
授刺史步賴請率兵討吐谷渾其後諸酋長悉內屬以其地爲岨  
奉巖遠四州卽首領拜刺史有拓拔赤辭者初臣吐谷渾慕容伏  
允待之厚與結婚諸羌已歸獨不至李靖擊吐谷渾赤辭屯狼道  
峽抗王師廓州刺史久且洛生欲諭降之辭曰渾主以腹心待我  
我不知其它若速去且汙吾刀洛生怒引輕騎破之肅遠山斬首  
數百級虜襍畜六千帝因其勝又令約降赤辭從子思頭潛納款  
其下拓拔細豆亦降赤辭知宗族攜沮稍欲自歸岷州都督劉師  
立復誘之卽與思頭俱內屬以其地爲懿嵯麟可三十二州以松  
州爲都督府擢赤辭西戎州都督賜氏李貢職遂不絕于是自河  
首積石山而東皆爲中國地後吐蕃浸盛拓拔畏偪請內徙始詔

慶州置靜邊等州處之地乃入吐蕃其處者皆爲吐蕃役屬更號  
弭藥又有黑党項者居赤水西其長號敦善王慕容伏允之走也  
依之及吐谷渾款附敦善王亦納貢居雪山者曰破丑氏又有白  
蘭羌吐蕃謂之丁零左屬党項右與多彌接勝兵萬人勇戰鬥善  
作兵俗與党項同武德六年使者入朝明年以其地爲維恭二州  
貞觀六年與契苾數十萬內屬永徽時特浪生羌卜樓大首領東  
就率眾來屬以其地爲劔州龍朔後白蘭春桑及白狗羌爲吐蕃  
所臣藉其兵爲前驅白狗與東會州接勝兵纔千人在西北者天  
授中內附戶凡二十萬以其地爲朝吳浮歸十州散居靈夏閒至  
德末爲吐蕃所誘使爲鄉導鈔邊俄悔悟更來朝願助靈州饜輓  
乾元閒中國數亂因寇邠寧二州肅宗詔郭子儀都統朔方邠寧  
鄜坊節度事以鄜州刺史杜冕邠州刺史桑如珪分二隊出討子

儀至党項潰去上元元年在涇隴部落十萬眾詣鳳翔節度使崔光遠降二年與渾奴刺連和寇寶雞殺吏民掠財珍焚大散關入鳳州殺刺史蕭忱節度使李鼎追擊走之明年又攻梁州刺史李勉走進寇奉天大掠華原同官去詔臧希讓代勉爲刺史于是歸順乾封歸義順化和寧和義保善寧定羅雲朝鳳凡十州部落詣希讓獻款匄節印詔可僕固懷恩之叛誘党項渾奴刺入寇眾數萬掠鳳翔整屋大酋鄭廷郝德入同州刺史韋勝走節度使周智光破之澄城閱月又入同州焚官私室廬壁馬蘭山郭子儀遣兵襲之退保三堡子儀遣慕容休明諭降廷德子儀以党項吐谷渾部落散處鹽慶等州其地與吐蕃濱近易相脅卽表徙靜邊州都督夏州樂容等六府党項于銀州之北夏州之東寧朔州吐谷渾住夏西以離沮之召靜邊州大首領左羽林大將軍拓拔朝光等

五刺史入朝厚賜賚使還綏其部先是慶州有破丑氏族三野利  
氏族五把利氏族一與吐蕃姻援贊普悉王之因是擾邊凡十年  
子儀表工部尙書路嗣恭爲朔方畱後將作少監梁進用爲押党  
項部落使置行慶州且言党項陰結吐蕃爲變可遣使者招慰芟  
其反謀因令進用爲慶州刺史嚴邏以絕吐蕃往來道代宗然之  
又表置靜邊芳池相興五州都督長史永平旭定清寧寧保忠順  
靜塞萬吉等七州都督府于是破丑野利把利十部及思樂州刺  
史拓拔乞梅等皆入朝宣定州刺史折磨布落芳池州野利部竝  
徙綏延州大曆末野利禿羅都與吐蕃叛招餘族不應子儀擊之  
斬禿羅都而野利景庭野利剛以其部數千人入附雞子川六州  
部落曰野利越詩野利龍兒野利厥律兒黃野海野宰等居慶州  
者號東山部夏州者號平夏部永泰後稍徙石州後爲永安將阿

史那思陳賦索無極遂走河西元和時復置宥州護党項至大和中寢彊數寇掠然器械鈍苦畏唐兵精則以善馬購鎧善羊貿弓矢鄜坊道軍糧使李石表禁商人不得以旗幟甲冑五兵入部落告者舉罪人財畀之至開成末種落愈繁富賈人齎繒寶鬻羊馬藩鎮乘其利彊市之或不得直部人怨相率爲亂至靈鹽道不通武宗以侍御史爲使招定分三印以邠寧延屬崔彥曾鹽夏長澤屬李鄠靈武麟勝屬鄭賀皆緋衣銀魚而功不克宣宗大中四年內掠邠寧詔鳳翔李業河東李拭合節度兵討之宰相白敏中爲都統帝出近苑或以竹一箇植舍外見纔尺許遠且百步帝屬二矢曰党羌窮寇仍歲暴吾鄙今我約射竹中則彼當自亾不中我且索天下兵翦之終不以此賊遺子孫左右注目帝一發竹分矢徹諸外左右呼萬歲不閱月羌果破殄餘種竄南山始天寶末



平夏部有戰功擢容州刺史天柱軍使其裔孫拓拔思恭咸通末竊據宥州稱刺史黃巢入長安與鄜州李孝昌壇而坎牲誓討賊僖宗賢之以爲左武衛將軍權知夏綏銀節度事次王橋爲巢所敗更與鄭畋四節度盟屯渭橋中和二年詔爲京城西面都統檢校司空同中書門下平章事俄進四面都統權知京兆尹賊平兼太子太傅封夏國公賜姓李嗣襄王熅之亂詔思恭討賊兵不出卒以弟思諫代爲定難節度使思孝爲保大節度鄜坊丹翟等州觀察使竝檢校司徒同中書門下平章事王行瑜反以思孝爲北面招討使思孝亦因亂取鄜州遂爲節度使累兼侍中以老薦弟思敬爲保大軍兵馬畱後俄爲節度使

東女亦曰蘇伐刺拏瞿咀羅羌別種也西海亦有女自王故稱東別之東與吐蕃党項茂州接西屬三波訶北距于闐東南屬雅州

羅女蠻白狼夷東西行盡九日南北行盡二十日有八十城以女  
爲君居康延川巖險四繚有弱水南流縫革爲舩戶四萬勝兵萬  
人王號賓就官曰高霸黎猶言宰相也官在外者率男子爲之凡  
號令女官自內傳男官受而行王侍女數百五日一聽政王死國  
人以金錢數萬納王族求淑女二立之次爲小王王死因以爲嗣  
或姑死婦繼無篡奪所居皆重屋王九層國人六層王服青毛綾  
裙被青袍袖委于地冬羔裘飾以文錦爲小鬟髻耳垂璫足曳鞞  
鞞鞞鞞履也俗輕男子女貴者咸有侍男被髮以青塗面惟務戰  
與耕而已子從母姓地寒宜麥畜羊馬出黃金風俗大抵與天竺  
同以十一月爲正巫者以十月詣山中布糒麥咒呼羣鳥俄有鳥  
來如雞狀剖視之有穀者歲豐否卽有災名曰鳥卜居喪三年不  
易服不櫛沐貴人死剝藏其皮內骨甕中糝金屑瘞之王之葬殉

死至數十人武德時王湯滂氏始遣使入貢高祖厚報爲突厥所  
掠不得通貞觀中使復至太宗璽制慰撫顯慶初遣使高霸黎文  
與王子三盧來朝授右監門中郎將其王斂臂使大臣來請官號  
武后冊拜斂臂左玉鈐衛員外將軍賜瑞錦服天授開元間王及  
子再來朝詔與宰相宴曲江封王曳夫爲歸昌王左金吾衛大將  
軍後乃以男子爲王貞元九年其王湯立悉與白狗君及哥鄰君  
董臥庭逋租君鄧吉知南水君薛尙悉曩弱水君董避和悉董君  
湯息贊清遠君蘇唐磨咄霸君董藐蓬皆詣劔南韋皋求內附其  
種散居西山弱水雖自謂王蓋小小部落耳自失河隴悉爲吐蕃  
羈屬部數千戶輒置令威督絲絮至是猶上天寶所賜詔書皋處  
其眾于維霸等州賜牛糧治生業立悉等入朝差賜官祿于是松  
州羌二萬口相踵入附立悉等官刺史皆得世襲然陰附吐蕃故

謂兩面羌

高昌直京師西四千里而羸其橫八百里縱五百里凡二十一城  
王都交河城漢車師前王廷也田地城戍已校尉所治也勝兵萬  
人土沃麥禾皆再熟有艸名白疊擷花可織爲布俗辮髻垂後其  
王麴伯雅隋時嘗妻以戚屬宇文氏女號華容公主武德初伯雅  
从子文泰立遣使來告高祖命使者臨弔後五年獻狗高六寸長  
尺能曳馬銜燭云出拂菻中國始有拂菻狗太宗卽位獻玄狐裘  
帝賜妻宇文華鑲一具宇文亦上玉盤凡諸國施爲輒以聞貞觀  
四年文泰遂來朝禮賜厚甚宇文求預宗籍有詔賜氏李更封常  
樂公主久之文泰與西突厥通凡西域朝貢道其國咸見壅掠伊  
吾嘗臣西突厥至是內屬文泰與葉護共擊之帝下詔讓其反覆  
召大臣冠軍阿史那矩計事文泰不遣使長史麴雍來謝臯初大

業末華民多奔突厥及頡利敗有逃入高昌者有詔護送文泰苛  
畱之又與西突厥乙毗設破焉耆三城虜其人焉耆王訴諸朝帝  
遣虞部郎中李道裕問狀復遣使謝帝引責曰而主數年朝貢不  
入無藩臣禮擅置官儼效百僚今歲首萬君長悉來而主不至日  
我使人往文泰猥曰鷹飛于天雉竄于蒿貓遊于堂鼠安于穴各  
得其所豈不快邪西域使者入貢而主悉拘梗之又諭薛延陀曰  
旣自爲可汗與唐天子等何事拜謁其使明年我當發兵虜而國  
歸謂而君善自圖時薛延陀可汗請爲軍向導故民部尙書唐儉  
至延陀堅約帝復下璽書示文泰禍福促使入朝文泰遂稱疾不  
至乃拜侯君集爲交河道大總管左屯衛大將軍薛萬均薩孤吳  
仁副之契苾何力爲蔥山道副大總管武衛將軍牛進達爲行軍  
總管率突厥契苾騎數萬討之羣臣諫以行萬里兵難得志且天

界絕域雖得之不可守帝不聽文泰謂左右曰曩吾入朝見秦隴  
北城邑蕭條非有隋比今伐我兵多則糧輒不逮若下三萬我能  
制之度磧疲鈍以逸待勞臥收其敝耳十四年聞王師至磧口悸  
駭無他計發病歿子智盛立君集奄攻田地城契苾何力以前軍  
鏖戰是夜星墜城中明日拔其城虜七千餘人中郎將辛獠兒以  
勁騎夜逼其都智盛以書遺君集曰得臯于天子者先主也咎深  
譴積震墜厥命智盛嗣位未幾公其見赦君集曰能悔禍者當面  
縛軍門智盛不荅軍進填隍引衝車飛石如雨城中大震智盛令  
大將翹士義居守身與綰曹翹德俊謁軍門請改事天子君集諭  
使降辭未屈薛萬均勃然起曰當先取城小兒何與語麾而進智  
盛流汗伏地曰唯公命乃降君集分兵略定凡二州五縣二十二  
城戶八千口三萬馬四千先是其國人謠曰高昌兵如霜雪唐家

兵如日月日月照霜雪幾何自殄滅文泰捕謠所發不能得也捷  
書聞天子大悅宴羣臣班賜策功赦高昌所部披其地皆州縣之  
號西昌州特進魏徵諫曰陛下卽位高昌最先朝謁俄以掠商胡  
遏貢獻故王誅加焉文泰歿止矣撫其人立其子伐皐弔民道  
也今利其土屯守常千人屯士數年一易辦裝資離親戚不十年  
隴右且空陛下終不得高昌圭粒咫尺助中國費所謂散有用事  
無用不納改西昌州曰西州更置安西都護府歲調千兵謫皐人  
以戍黃門侍郎褚遂良諫曰古者先畱夏後夷狄務廣德化不爭  
荒遯今高昌誅滅威動四夷然白王師始征河西供役飛米轉芻  
十室九匱五年未可復今又歲遣屯戍行李萬里去者資裝使自  
營辦賣菽粟傾機杼道路殍亾尙不計皐人始于犯法終于惰業  
無益于行所遣復有亾命官司捕逮株蔓相牽有如張掖酒泉塵

飛烽舉豈得高昌一乘一卒及事乎必發隴右河西耳然則河西  
爲我腹心高昌它人手足也何必耗中華事無用昔陛下平頡利  
吐谷渾皆爲立君蓋臯而誅之伏而立之百蠻所以畏威慕德也  
今宜擇高昌可立者立之召首領悉還本土長爲藩翰中國不擾  
書聞不省初文泰以金厚餉西突厥欲谷設約有急爲表裏使葉  
護屯可汗浮圖城及君集至懼不敢發遂來降以其地爲廷州焉  
耆請歸高昌所奪五城畱兵以守君集勒石紀功凱而旋俘智盛  
君臣獻觀德殿行飲至禮醑三日徙高昌豪桀于中國智盛拜左  
武衛將軍金城郡公弟智湛右武衛中郎將天山郡公麴氏傳國  
九世百三十四年而亾智湛麟德中以左驍衛大將軍爲西州刺  
史卒贈涼州都督有子昭好學有警異書者母顧笥中金歎曰何  
愛此不使子有異聞乎盡持易之昭歷司膳卿頗能辭章弟崇裕



有武藝永徽中爲右武衛翊府中郎將封交河郡王邑至三千戶  
終鎮軍大將軍武后爲舉哀祔以美錦賻賜甚厚封爵絕  
吐谷渾居甘松山之陽洮水之西南抵白蘭地數千里有城郭不  
居也隨水艸帳室肉糧其官有長史司馬將軍王公僕射尙書郎  
中蓋慕諸華爲之俗識文字其王椎髻黑昌妻錦袍織裘金薦飾  
首男子服長裘繒冒或冠羃羅婦人辮髮縈後綴珠貝婚禮富家  
厚納聘貧者竊妻去父歿妻庶母兄歿妻嫂喪有服葬已卽除民  
無常稅用不足乃斂富室商人足而止凡殺人若盜馬者歿它辜  
贖以物地多寒宜麥菽粟蕪菁出小馬犛牛銅鐵丹沙有青海者  
周八九百里中有山須冰合游牝馬其上明年生駒號龍種嘗得  
波斯馬牧于海生驄駒日步千里故世稱青海驄西北有流沙數  
百里夏有熱風傷行人風將發老駝引項鳴羶鼻沙中人候之以